

## ELIE LÈBRE RACONTE CUCURON



Sieu naissut a Cucuron i a quasi soissanta ans, li sieu totjorn restat, e vau vos parlar de mon vilagi. Mai avans d'anar pus luench, vòli vos dire que sieu ni un saberut ni un conferencier, sieu qu'un païsan sènsa istrucien. Lo provençau que parli es aqueu que s'es totjorn parlat a l'ostau e dins lo vilagi. Mon vocabulari es pas fôrça estendut, e mon biais de parlar a ren d'academique. Aquò estènt dich, vau vos presentar mon vilagi.

Cucuron se tròva au pèd dau Grand Liberon dau caire dau miejorn. Es a la crosiera de la rota de

Cavalhon a Manòsca, amé de l'ancian camín de z'Ais an Ate que siguèt amainajat en 1661 pèr lo passagi dau rèi Lois lo quatorgen. Cucuron es un vilagi de 1200 abitants que viu que de la tèrra, i a gis d'usinas. La cultura principala es la vinha. Lo vinhòble es composat d'una part de rasims de taula : muscat d'Hamborg, Alphonse Lavallée, chasselàs, gròs-vèrd, valensi. Lo rèsta es de cepagis pèr la vinhificacien que se fa a la copé, qu'es pron importanta. Lo vin es de bòna qualitat, e fa partida dei « Côtes du Luberon ». Una altra cultura importanta es aquela dau melon, que son coneissuts un pauc de pertot. I a perèu fôrça grafioniers, lei grafions son, segon la varietat, espediats sus lei marcats de consomacien, o conservats a la copé dins de tinàs emplidas d'una solucien d'anidride sulfuros. Après dins l'ivèrn lei confisurs d'Ate vènon lei quèrre pèr faire lei cerisas confidas.

Se fa perèu d'alhet, se semena de blat e d'òrdi; aquelei qu'an bèn d'aiga semenon de navets

e de pastenargas qu'arròson per aspercien. Autrafés una recòrda importanta èra l'òuliva. Se tenié au mes de Decèmbre una fiera deis òulivas, e l'òli de Cucuron èra renomtat, e i avié quatre o cinc molins d'òli. Ara n'i a plus qu'un, e vira pas l'òngtemps, per ce que dempuei l'ivèrn de 1956, que jalèt totei leis òuliviers, i a plus gaire d'òulivas a Cucuron, ni dins leis alentorns. I avié perèu abòrd d'amendiers esparpalhats dins lei champs. Leis ans totei derrabats, èra d'empachis pèr lei trators. Nen es estat de meme pèr leis amoriers, dempuei que se fa plus de manhans.

*naissut : né  
anar : aller saberut : savant  
ostau : maison  
fôrça : beaucoup biais : façon*

*caire : côté miejorn : midi  
crosiera : croisement  
camín : chemin  
viu : vit  
gis : pas du tout*

*pron : assez ; très*

*perèu : aussi grafions : cerises  
tina : cuve  
quèrre : chercher*

*alhet : ail semenar : semer  
òrdi : orge aiga : eau  
pastenarga : carotte  
fiera : foire òli (masc.) : huile*

*jalar : geler  
abòrd : beaucoup  
derrabar : arracher amoriers :*

*manhan : ver à soie*

*mûriers*